



Ivi mbae reta

Alicia Camelia Hurtado Rivera

“Kuaepe a jare kuaepe amanotavi”, chemaendua jei cheve cheru vae. Jae cheogua katu jare cheagua katuvi, tètape rami, opaete joko raï reta. Guarayo orembojee reta, ereï roreko ayoreode. Oipotaã orekua jae reta. Orenoti.

Mbaeti ore rami oyemonde reta, ketigui ou echa reta, yepe teï amogue reta jundai ore rami, joko raï reve orenoti reta. Jae reta oyemboiya mbae retare, oike kaape jare oyemboiya ivire reta, oipota oiti ivira reta guiroike vaerã guaka jokope. Chesí jei, kaa reta oimeko iya, oyandu vae reta; ereï, karai reta oipotaã oikuaa jokue teko.

Cherëta retajaeñomai oteko rai. Tenonde rosi oñiomi etei korepotipe ou vae retagui jare jei reta orevaë ndaye. Roike ñanapiteguasu rupi chugui reta, jokope romokañi, kuaepe mbaetitama ñande moambeko reta roe, ereï orevaëye reta, makina guasu reta ndivema ou reta, opa guireko rai ivi jare guirokomëgua teko reta. Jokuae teko reta ndive rokuakua paravete. Aecha kereïko guira paravete reta oyemboe oveve jare guasu reta uguata; ereï, jokuae teko reta mbaeti omopiangué.

“Mbaeti oyia orendive reta”, jei orere; ereï katu, mbaeti etei oyemoambeko reta oikuaa vaerã ore ñee. Guiroandeko kereï royemongueta vae jare kereïko roiko vae.

Aroviako, oikuaä orereko reta ramo, omotarëi reta oikuaä vae, jaeramo omboarapa. Mopeti piare, tatati yavaete vae, asoya rami oyasoï kaa. Roë yave, jovi vae pitayee oi, mimba paravete reta maïa jäse, ajama chemaendua jae reta ombojee “tataguasu vae”.

Cheramii imiarise cheve, oipota oipoepi reta yave, jei reta chupe oime ivi maraëi vae, oime teko kavi vae jare ikaviä vae. Tupapire omongueta reta vaepe jei, oime ndaye mbia iñee ndiveño i ombosiri jare ita reta guiyaperä oyapo vae. Cheramii omboikuereñui oreve, jokuae mbia ovaë ivi maraëi jëtara reta peguarä vae, jae guirovia jokuae jae tape ikavi vae.

Ñandereko kavi yave, mbaeti kerei yasa, jokoraï jei karai reta; ereï, jokuae pitu, aikuaa mbae ikavi mbae oasa ñandevere yave, jaeko mbaeti yarovia ani yamboete karai reta imbaepuere.

Roeyayeko ore rëta paravete jare jekuae rosiye. Cheru paravete mbaetima ipiräta, jaeramo opita omboete vaerä iñee.

Tata yavaete jendi kaa rupi, opaetei mbae-mbae reta oapi guiraja jape rupi, chepiape ayemongueta aja, guiramou oimetara ñavaë jokuae ivi maraëipe...

Traducción: Elías Caurey Caurey

